

疆

識

畧

疆識畧三卷

崇陽吳楚材國賢編

劉日孚應占校

地理部

地 白虎通云元氣所生又以石爲骨川爲脉草木  
爲毛土爲肉見博物志淮南子云天有九部八紀  
地有九州八柱九州之外有八埏八埏之外有八  
紘八紘之外有八極爾雅云東至泰遠西至邠國  
南至濮鈇北至祝栗謂之四極援神契云計九州  
別壤山陵川澤九百一十一萬八千二十四頃磽  
确不墾者千五百萬二千頃纂要云上中下謂之

三壤山林川澤丘陵墳衍原隰爲五土太玄經云  
九地一沙泥二澤澆三征崖四下田五中田六上  
田七下山八中山九上山元命苞云地者易也言  
養物懷任交易變化含吐應節故立字土力於乙  
物理論曰夫土地皆有形名而人莫察焉有龜龍  
體有麟鳳貌有弓弩勢有斗升象有張舒形有塞  
閉容有隱真之安有累露之危有膏英之利有壻  
壻之害此十形者氣勢之始終陰陽之所極也今

按堪輿家地形之說本此

侯鯖錄云田種禾  
稼者壽耕地也

地形

白阜爲神農圖畫地形通水道之脉見元命

苞後世遂有地理圖

今制掌之兵部職方司

西

母貢益地  
圖見玉海

方輿 方地爲輿圓天爲蓋見宋王<sub>大</sub>言賦

職方 周禮職方氏掌天下之圖辨邦國都鄙四夷

八蠻七閩九貉五戎六狄之人民與財用九穀六

蓄之數要周知利害辨九州之國使同貫利東南

曰揚州山會稽澤具區川三江浸五湖其利金錫

竹箭穀宜稻正南曰荊州山衡藪雲夢川江漢浸

潁湛其利丹銀齒革穀宜稻河南之豫則嶽山圃

田焚雒波澁正東之青則沂山望諸淮泗沂沐河

東之充則岱山大野河沛盧維正西之雍則華山  
弦蒲涇汭渭洛東北之幽則醫無閭箕養河沛菑  
時河內之冀則霍山楊紆漳汾潞正北之并則常  
山昭餘祁虜池嘔夷涑易其利林漆絲泉蒲魚玉  
石魚鹽松柏布帛其穀五種稻麥四種三種黍稷  
辯九服之邦國王畿侯服甸男采衛蠻夷鎮藩海王  
銅儀 續漢書曰張衡作地動儀精銅以鑄其器圓  
徑八尺形似酒樽樽中有都柱傍行八道施關發  
機外有八龍首銜銅丸蟾螭承之其機關巧制皆  
在樽中

地軸 括地象曰崑崙山爲柱氣上通天崑崙者地  
之中也地下有八柱柱廣十萬里有三千六百軸  
互相牽制名山大川孔穴相通

道里 淮南子云土有九山山有九塞澤有九藪風  
有八等水有六品合四海之內東西二萬八千里  
南北二萬六千里水道八千里通合真名川六百  
陸徑三千里禹使太章步自東極至於西極二億  
二萬三千五百里七十五步使孺亥自北極至於  
南極二億三萬三千五百里六十五步

按黃帝有  
記里鼓車

疑道里  
所由起云

經緯

地東西爲緯南北爲經

周禮又云東西爲廣南北爲輪

疆域

人皇相山川分九區堯五服

甸侯綏要荒

舜分十

二州夏九州周公以徐梁合之青雍分冀州爲幽

并秦并天下置三十六郡漢爲十三州部唐武德

初改郡爲州貞觀初并省州縣分爲十道又分爲

十五道宋至道分天下爲十五路其後又增三路

皇明東起朝鮮西至嘉峪南濱海北連沙漠道路紆

縈各萬餘里兩直隸十三省府一百六十羈縻者

十一州二百三十四羈縻者四十七縣一千一百

一十六行太僕寺三苑馬寺二監十八苑七十七

都轉運鹽使司六提舉司九鹽課司一百六十九  
都指揮使司十六行都司五留守司二衛四百九  
十三所二千四百一十儀衛司二十九宣慰司十  
一安撫司二十二招討司一長官司一百七十四  
四夷來朝貢者一百二十餘國一統之盛越千古

云

按襄城辛中丞輿圖云十三省一百五十二府  
三百四十州一千一百二十七縣四百九十三

衛二千八百五十四所十二宣慰十一宣撫招討  
安撫十九長官司百七十七朝鮮安南等國五十  
六速溫河等地五十八奴兒干鳥  
思藏等都司所隸二百三十八

土

釋名吐也吐生物也元命苞陽立於三故成生

其立字十夾一爲土

白虎通土在中央者主吐  
含萬物說文壤軟土也尚書



注土無塊曰壤博物志徐州人謂塵土為蓬塊  
吳人謂塵土為沃映又野馬塵埃也見莊子

山 山產也言產萬物見釋名山之為言宣也含澤

布氣調五神也見春秋說題又山海經禹曰天下

名山經五千三百七十山六萬四千五百六里居

地也天地之東西二萬八千里南北二萬六千里

出水之山者八千里受冰者八千里出銅之山四

百六十七出鐵之山三千六百九十此天地之所

分壤樹穀也戈矛之所發也刀鍛之所起也是謂

國用山頂曰冢亦曰巔山脊曰岡山大而高曰嵩

小兩高曰岑銳而高曰嶠卑而大曰扈小而  
聚曰巔土大下小曰巖山有草木曰岵無草木曰  
垓石戴土曰岨土載石曰崔嵬東曰朝陽山西曰

夕陽山足曰麓山穴曰岫山邊曰崖崖之高曰巖  
上秀曰峯取隅高者曰岳山坡曰坂山中絕曰陁  
未及上曰翠微一說山氣青縹色曰翠微山屬曰  
嶧言絡繹相連也山狹而高曰巒小曰積曰夔亦曰  
阜曲阜曰阿大阜曰陵小陵曰丘山積曰夔亦曰  
岐亦曰雲陽祭山曰寢懸並見釋名爾雅說文又  
高平曰陸人力所為絕高丘曰京秦晉間冢謂之  
隴江東乎地高者為堆敦又堆小阜也蓋大邑也  
培雙小土山也平土有叢木曰林林屬於山曰麓  
廣平曰原下濕曰隰又種穀可食曰原如原氣廣  
也大也

泰山

蓬玄太空洞天一曰天孫一曰岱宗記云盤

道屈曲而上凡五十餘盤經小天門大天門仰視  
天門如從穴中視天窻矣自下至古封禪處凡四  
里山頂西巖為仙人石閣東巖為介丘東南巖名

日觀日觀者鷄一鳴時見日始欲出長三丈許又東南名秦觀望見長安吳觀望見會稽周觀望見齊黃河去泰山二百餘里於祠所瞻黃河如帶若在山趾山南有廟悉種栢千株大者十五六圍相傳云漢武所種小天門有秦時五大夫松見在

衡山 在衡州名朱陵太虛洞天上承景宿銓德鈞

物下踞離宮攝位火鄉見六帖一名峒矩嶺山  
海經

周旋數百里高四千一十丈東南臨湘川自湘川至長沙七百里九向九背然後不見禹治水登而祭之因夢遇玄夷使者遂獲金簡玉字之書得治

水之要山有三峯其一名紫蓋天景明澈有一雙  
白鶴徊翔其上一峯名石圉下有石室中常聞諷  
誦聲一峯名芙蓉上有泉水飛流如舒一幅練見  
初學記五峯即芙蓉紫蓋石標天柱祝融

華山 在華州華陰縣名太極摠仙洞天記云山頂  
有池生千葉蓮花服之羽化因曰華山山海經曰  
一名太華太華之山削成而四方高五千仞其廣  
十里李于鱗記云此蓋指華申削成而四方者爾  
四方之外宮之盡華山也

述征記山下自華嶽朝  
列指南行十一里又東

迴三里至中祠又西南出五里至南祠南入谷口  
七里又至一祠又南一里至天井天井繞容人上

可長六丈餘出井如望空視明如在室窺窓矣出  
井東南二里至峻坂斗上又東上百丈崖又西南  
出六里至一祠又行二里屆山頂有靈泉二今按  
季于鱗記文高古詳核不能盡錄其言置足穿綺  
五將軍松明星王女祠三峯如食前之豆是白帝  
之所觴百神也尤備記未云余既達削成四方中  
不復知天不可升矣余夫善載腐肉朽骨者乎及  
俯三峯望中原見黃河從塞外不下窺大壑精氣  
之兩出入又未嘗不爽然自失也吳伯與有雙游  
記又按華嶽集圖云西嶽行宮至雲臺觀一十里  
雲臺至垂垂泉院一里王泉院至五里關五里五  
關至希夷峽五里希夷峽至莎蘿坪十里至青柯  
坪十里青柯坪至回心石一里回心石至千尺撞  
入南天峽百尺峽入翔孫愁至老君犁溝至日月  
崖五里日月崖至閭王殿至蒼龍嶺由鎮嶽宮至  
西峯登南峯絕頂十里頂之下為避詔崖頂東為  
東峯有老君下棋石東峯下有仙人掌在削成東  
北方壁上從縣中望五指參差俗傳巨靈擘開前  
陽泰華通河掌跡猶存王涯有辨又少西為少華  
山即山海經小華也今故稱二華云

恒山 即常山在定州名太乙摠玄洞天五嶽圖云  
恒山高三千九百丈七尺上方三十里周廻三千  
里有太玄之泉神草十九種服之可度世

嵩山

白虎通中嶽獨加高字者居四方之中可高

故曰嵩高山西征記云其山東謂太室西謂少室  
相去十七里嵩其總名也謂之室者以其下各有  
石室焉少室高八百六十丈上方十里與太室相  
埒但小耳東有龍門南有許由山北有潁水又西  
有緱氏山太子晉吹笙處嵩高西脚有四樹與衆  
木異漢世道士傳國外種云

白虎通云岱者萬物  
相代於東方也衡者

銓德鈞物也華者獲也萬物熟成乃有獲也恒常也萬物伏藏於北方有常度也嵩者高也言凌大處中以嶺

四方也

嶺 廣州記五嶺大庾始安臨賀桂陽揭陽秦始皇所守也又輟谷謂之窟室見左傳

石 釋名山體曰石山多大石曰礪多小石曰礪礪

小石也磊衆石也礪丈石也琅玕石似珠也砮砮

看似玉也出書注廣雅又周禮石有時而泐音解

散也又土精爲石石氣之核也氣之生石猶人筋

絡之生爪牙也見物理論又陰中之陽陽中之陰

陰精輔陽故山含石見春秋說題辭

水 積陰之氣爲水見淮南子元命苞水之爲言演

也陰化淖濡流施潛行也故其立字兩人交一以  
中出者爲水一者數之始兩人譬男女言陰陽交  
物以一起也爾雅水別流曰派風吹水涌曰波大  
波曰濤小波曰淪平波曰瀾直波曰徑水朝夕而  
至曰潮風行水成文曰漣水波如錦文曰漪水行  
曰涉逆流而上曰沂洄順流而下曰沂游亦曰沿  
流絕流而渡曰亂以衣涉水曰厲由膝以下爲揭  
由膝以上爲涉渡水處曰津濟潛行水下爲泳水

口天吳八首十八尾見山海經大海之神曰陽侯  
陽國侯溺水因爲海神濤之神曰靈胥俱見博物



志陽侯壽大波也見廣雅又關駮九州記正月解凍水二月白蘋水三月桃花水四月瓜蔓水五月解麥黃水六月山礬水七月豆花水八月荻苗水九月霜降水十月後槽水十一月走凌水十二月感水凌

海

海晦也主引穢濁水黑而晦見釋名博物志云

天地四方皆海水相通地在其中蓋無幾也七戎

六蠻九夷八狄形類不同總而言之謂之四海言

皆近於海也四海之外皆復有海云按東海之別有渤海故東

海共稱渤海又通謂之滄海滄海之中有蓬萊方

丈瀛洲三神山金銀為宮闕僊人所集五山即岱

輿員嶠方壺瀛洲蓬萊山海經有歧海幼海少海

案南海大海之別有漲海西海大海之東小水名

海者有蒲昌海蒲類海青海鹿渾海潭彌海陽池

海北海大海之別有瀚海渤海之南小水名海

有渤海伊連海私渠海凡四海通謂之溷海  
海外復有大瀛海環之海曰百谷王海神曰海若  
海中山曰島海中洲曰與見初學記海東有大壑  
曰歸墟有石曰沃焦又名尾間

河

河下也隨地下流而通也見說文初學記云案

水經注及山海經注河源出崑崙之墟

崑崙山經曰崑崙山

廣萬里高萬一千里去嵩山五萬里有青河白河  
赤河黑河環其墟其白水出其東北陬屈向東南  
派為中國河河百里一小曲千里  
一大曲發源及入中國大率常然

至規期山北流分為兩源一出葱嶺一出于闐其

河復合東注蒲昌海復潛行地下南出積石山西

南流又東迴入塞過燉煌酒泉張掖郡南與洮河

合過安定北地郡北流過朔方郡西又南流過五

原郡南又東流過雲中西河郡東又南流過上都  
河東郡西而出龍門至華陰潼關與渭水合又東  
廻過砥柱及洛陽至鞏縣與洛水合成臯與濟水  
合又東北流過武德與沁水合至黎陽信都鉅鹿  
之北遂分爲九河又合爲一河而入海故尚書稱  
導河積石至于龍門南至于華陰北至于砥柱東  
至于孟津東過洛汭至于大塚北過絳水至于大  
陸又北播爲九河同爲逆河入于海是也

江淮河漢謂之

西竇竇之言獨也不因餘水獨能赴海馮夷滄鄉人得道爲水仙河伯又云華陰人渡河溺死天帝

署爲河伯

江 江公也諸水流入其中所公共也見釋名初學

記云案水經及荊州記云江出岷山其源若甕口  
可以濫觴在益州建寧滿江縣潛行地底數里至

楚都遂廣十里名爲南江初在犍爲與青衣水汶

水合至洛縣與洛水合東北至巴郡與涪水漢水

白水合東至長沙與澧水沅水湘水合至江夏與

沔水合至潯陽分爲九道潯陽記說九江一曰烏  
江二犍江二烏土江四

嘉靡江五岷江六浮江  
七稟江八提江九苗江東會于彭澤經蕪湖名爲

中江東北至南徐州名爲北江而入海也尚書稱

岷山導江東別爲沱又東至于澧過九江至于東

陵東迤北會于匯東為中江入于海是也

淮 周官青州其川淮泗釋名云淮圍也圍繞揚州

北界東至海也素水經注及山海經云淮水出南陽平氏縣桐栢山其源初則涌出

復潛流三十里然後長鶩東北經大復山從義陽郡北東過江夏平春縣北又東過新息縣南期思

縣北至厚鹿縣南與汝水合又東過廬江安豐縣與決水合東北至九江壽春縣東與潁水合壽春

縣北與淝水合又東至當塗縣北與渦水合東北至下邳淮陰縣與泗水合東至廣陵淮浦縣而入

海也近海數百里通朝夕潮尚書稱導淮自桐栢東會于泗沂入于海是也見初學記禹至桐栢山

獲淮渦水神名曰無友祁命庚辰鑿于龜山之足

濟 濟濟也言源出河北濟河而南也見釋名周官

兖州其川河濟素水經注及山海經云濟水出東垣縣王屋山初名沉水東出

縣西北始名濟水又東南流當鞏縣之北而南入河與河並流過成皋溢出為滎水東流過陽武及封丘縣北又東過宛朐縣南至定陶縣南又東北流與荷水會東至乘氏縣西分而為二其一東北流入鉅野澤過壽張西與汶水合又北過穀城縣西又東北過盧縣北經齊郡東萊郡而入海也尚書稱導沔水東流為濟入于河溢為滎東出於陶丘北又東北會于汶又東北入于海是也

洛

春秋說題辭云洛之為言繹也言水繹繹光耀

也魚豢典畧云漢火行忌水故洛去水加佳魏為

土行故去佳加水

案水經云洛水出京兆上洛縣冢嶺山郡經上洛弘農河南縣

盧氏蠡城陽市宜陽洛陽合伊瀍穀澗之水至鞏縣而入河也尚書稱導洛自熊耳東北會于澗瀍

又東會于伊文東北入于河是也

涇

關中記云涇與渭洛為關中三川與渭灞滻澇

漢澧瀆為關中八水

案辛氏三秦記及山海經注

山東南經新平扶風至京兆高陵縣而入渭與渭水合流三百里清濁不相雜東合漆沮水至潼津入于河尚書稱導濁自鳥鼠同又東會于涇又云涇屬渭汭並是也

湖 大陂也風俗通云湖都也流瀆四面所隈都也

周官揚州其浸五湖

案張勃吳錄五湖者太湖之別名以其周行五百餘里故

以五湖為名太湖一名震澤一名洞庭宮亭即彭蠡澤青草湖即洞庭湖雲夢澤即巴丘湖釋名下有水曰澤言潤澤也又藪大澤也七澤遂為楚地之雄觀云

漢 漢楚水也

案水經注及山海經注云漢水出隴

都沮縣始為漢水東南至葭萌與羗水合至江夏安陸縣名沔水故有漢沔之名又東至音陵合滄浪之水又東過三澨水觸人別山南而入江也尚書稱潘冢導滌東流為海又東為滄浪之水過三

至於大別南入于江東匯澤  
為彭蠡東為北江入于海是也

潮

朝來夕至曰潮汐日激水而潮生月離水而潮  
大地浮于水天在水外日入則晚潮激於左日出  
則早潮激於右抱朴子云天河從北極分爲兩條  
至於南極其一經南斗中過其一經東斗中過兩  
河隨天轉入地下過而下水相得又與海水合三  
水相蕩而天轉之故激湧而成潮水

泉

山下有泉見易地有醴泉見禮運水本曰源源  
曰泉見爾雅廬山天台俱有瀑布秦皇有驪山湯  
漢武脩之其云神女洗除者妄也唐明皇天寶六



載更溫泉曰華清宮湯治井爲池環山列宮室制

度宏麗後以祿山之反清泉若污焉

案海內湯泉有七匡廬汝

水尉氏驪山路  
谷渝州惠州

池 沼池也又陂也又隍城池也有水曰池無水曰

隍見說文風俗通云孫子有金城湯池之說後人

因此開地爲池以養魚鱉

案堯時已有汚池漢武帝元狩三年更穿昆明

池習水戰週  
園四十里

沼 清也圓曰池曲曰沼周文王有靈沼昆明池中

亦名止也水可以息其止也

井 井清也泉之清潔者也又爲五祀之一世本云

伯益作井亦云黃帝育物始穿井

易傳云通也物所通用也不汚

曰停井溥溥井曰浚井水清曰冽井甃聚曰條井又白澤圖云井神吹簫女子今隨郡有神農九井汜水有堯井濮州有舜井會稽有禹井穀城有管仲井

渠

禹以爲河所從來者高水湍悍難以行平地數

爲敗乃斲二渠以引其河一南出會隰川一出貝

丘九川既疏九澤既灑自是之後滎陽下引河東

南爲鴻溝以通宋鄭陳蔡曹衛與濟汝淮泗會于

楚西方則通渠漢水雲夢之野東方則通溝江淮

之間於吳則通渠三江五湖於齊則通蓄濟之間

於蜀蜀守冰鑿離隼辟末水之害穿二江成都之

中此渠皆可行舟有餘則用溉浸百姓饗其利見  
玉海

堰 釋名滈術也堰使水鬱術也魚梁水碓之謂也

秦以李冰為蜀郡太守造百丈堰灌田數千堰自

此始又謝安有召伯埭齊幹立伊婁埭爾雅水注

谿曰谷通谷曰壑山竇無所通曰谿又澗間也在

兩山間也山夾水曰澗浦水濱也大水小口別通

為浦水運曰漕又貫穿通流水曰川水中可居曰

洲又湍瀨也淵回水也潢積水池也渚能遮水從

傍也海中可居曰島人所到也岸下地曰澚澚俱水涯

陂 彼澤之陂有蒲與荷見詩又黃憲傳汪汪如千

岸泥黑土在  
水中者也

頃陂楚相孫叔敖作期思陂號芍陂陂有五門後世効之

塘 塘不經見張閩傳晉陵立曲阿新豐塘在晉元帝時又江都有雷塘見會要李襲譽築句城塘見通典

竭 水經注沙水東南流注于潁水次有大堰即古百尺竭也魏書司馬宣王討王凌大軍至處又遇即竭

也以上壅水為過不知何世加上為竭柳子記袁家竭

隄 爾雅曰墳大防也謂隄白居易始築錢塘隄案建

業二年築東興隄過湖水然則隄非自居易始也季春天子命有司修利隄防溝洫志繕完故隄增

甲陪薄又漢武時長沙有金牛隈安帝有八激堤

湫 地理志邠州三水北二十里有萬壽湫大曆八

年因風雷而成

按秦中祈禱公移皆云取湫即楚中俗傳擊泉取水亦有謂龍湫者

湫即潭也

軍 萬二千五百人周禮五師爲軍周制天子六軍

諸侯大國三軍宋制地不成州而當津會者則爲

軍以縣兼軍使

鎮 人聚處則有鎮鎮安也藩鎮山鎮皆取安重鎮

壓之義通典鎮將後周之通班也隋唐因之宋制

民聚不成縣而有稅課者則爲鎮或監以官

鄉 萬二千五百家周禮百家之內曰鄉鄉射鄉飲  
鄉三物鄉五物五十養於鄉六十杖於鄉大司徒  
令五家為比使之相保五比為閭使之相愛四族  
為四族使之相葬五族為黨使之相救五黨為州  
使之相調五州為鄉使之相賓釋名鄉向也衆所  
向也

村 唐書在田野為村又村落又朱陳村在徐州古  
豐縣一村惟兩姓世世為婚姻又江村浣花村莫  
愁村村鼓村烟

里 止也衆所止也見風俗通五鄰為里又路程以

三百六十步爲一里又漢制長安有戚里人君姻戚居之鄭子產東里孔子闕里秦惠王弟疾樗里今制編戶以鄉統里州縣皆然

郊 說文距國百里曰郊爾雅邑外曰郊郊外曰野野外曰林

社 古者一鄉祭社故陳平爲社宰漢高祖少時祭

粉榆之社及移新豐亦立焉

新豐因上皇不樂關中高祖徙豐沛立爲

新豐故後人因用粉榆字爲鄉曲也又孫魴沈彬

爲詩社遠法師結白蓮社白樂天與香山僧如滿結香火社今人言父母之邦稱桑梓或云梓里非

詩義本旨溫叟詩話

鄰 比也近也親也古作比周禮五家爲鄰俗作隣  
又周禮五家爲比按在郊內者謂之比在郊外者  
謂之鄰洽比其鄰論語德不孤必有鄰又里閭見  
安史同閭又閭左秦發閭左之戍注閭里門也發  
閭左之人皆遣戍也

關 控扼險要束制咽喉者關也緘滕甸服扃鑄王  
畿者關也神農重門擊柝以待暴客見易繫辭周  
官司關譏察非常漢置都尉唐制給過所文書出  
塞踰月給行牒 今制無文引私度關津杖八十



越度緣邊關塞杖一百出外境者絞失盤詰者減

三等

按過所謂所至必合關乃得過見服飾部

堠

說文津水渡也堠小津也拾遺錄云禹治水所

穿鑿處皆青泥封記今人聚土為界乃遺事也當以此為正

市

恃也言交易而退恃以不匱也說文買賣之所

神農日中為市見易噬嗑一曰祝融作市祝融顓  
頊之臣見世本周禮建國立市有司市掌治教司  
號掌禁令古今注闌市垣也闌市門也風俗通市  
井言至市鬻賣須於井上洗濯令潔按二十畝為

一井今因井爲市又周禮六市日昃而市百族爲  
主朝市朝時而市商賈爲夕市夕時而市販婦爲  
主注云主多也百族百姓也今制把持行市及  
市司評物價有律即此意又市巷謂之闐市門謂  
之闐巷謂之闐市中空地謂之塵市樓謂之旗亭

見初學記

利市見  
易巽卦

坊 邑里也演義云坊方也方類也方以類聚居必  
求類今建坊牌蓋亦表閭里之義

道路 道蹈也路露也言人所蹈而露見也案爾雅  
一達謂之道路二達謂之岐旁三達謂之劇旁四

達謂之衢五達謂之康六達謂之莊七達謂之劇

駢八達謂之崇期九達謂之逵廟中路謂之唐又

城下路謂之豪豪翔也都邑內所翔駕處步所用道謂之蹊侯

言射疾又墾亦軌垣巨街徑闡闡剛谷千道也

又畛涂陳阡陌術亦道路別名溝上有畛涂度也言所由得過度也

堂塗曰陳言賓主相迎陳列之處也南北為阡東西為陌子產相鄭桃李垂於術黃帝為

天子匠人營國國中九經九緯經涂九軌環涂七

軌野涂五軌將行者有祖道祀道路之神見五經

要義賈山云秦為馳道東窮燕齊南極吳楚廣五

十步隱以金樵謂鐵錐築之樹以青松十里一亭

十亭一鄉又築牆夾路謂之甬道又蹕路也警蹕  
戒徒行警塗路也

橋梁

說文橋水梁也榘角水上樹木所以渡也爾

雅隄謂之梁郭璞注梁即橋也石杠謂之猗亦曰  
石橋也天官書東井兩河天闕間爲關梁又誹謗  
之木堯作之橋梁交五柱頭見服虔注詩造舟爲  
梁今浮橋也秦昭王四十九年初作河橋又石絕  
水爲梁見詩注獨木橋曰杓見廣志徒杠輿梁見  
孟子周有鉅橋漢有灞橋即消菟橋又張良下邳  
圯上圯即橋也

溝 水瀆釋名田間之水田溝構也從橫相交構也  
周禮十夫有溝注十夫二鄰之田溝廣深各四尺  
爾雅水注谷曰溝溝注澮曰瀆不流不絕曰瀆又  
宮中之溝旋繞禁中通金水河曰御溝金水河者  
像天河銀漢之義也自周有之今制曰金水橋曰  
玉河又明水流也澮水流澮也又會也小溝之所  
會也浦水瀆也

福地 玄都玉京山前為元京山峨眉山西為廣霞  
山左為紅映山紫空山五間山皆在玉清上大羅  
下又三秀山在玉京前金華山寒童靈山秀華山

俱在玉京右三寶山飛霞山在玉京後浮絕空山  
在太清中皆真氣所化上有宮闕 東嶽廣桑山  
在東海中南嶽長離山在南海中西嶽麗農山在  
西海中北嶽廣野山在北海中中嶽崑崙山在九  
海中爲天地心此大五嶽也方壺山在北海扶桑  
山蓬萊山沃焦山在東海連石山在東南鍾山在  
北海方丈山員嶠山岱輿山俱在大海中鄩都山  
在九壘之下玄洲在北海中瀛洲穆洲祖洲俱在  
東海中鳳麟洲聚窟洲生洲俱在西海中炎洲在  
南海中又元洲長洲俱在大海中滄海島在大海

中高五萬里皆神山所居五帝所理中國五嶽東嶽泰山羅浮括蒼為佐命蒙山東山為佐理南嶽衡山霍山潛山為儲副天台勾曲為佐理中嶽嵩山少室武當為佐命太和陸渾為佐理西嶽華山地肺女几為佐命西城青城峨眉蟠冢西玄戎山吳山為佐理北嶽恒山河逢抱犢為佐命玄隴崆峒陽洛為佐理又三佐命山青城山天柱山廬山又有十大洞天則王屋委羽西城西玄青城赤城羅浮勾曲林屋括蒼三十六洞天則霍林福州蓬玄泰山朱陵衡山總真華山總玄常山司真嵩山虛陵大妙王屋山洞

虛詠真廬山丹山赤水明四極玄陽明稽會德玄白太天寶

極真西山在好生上元山瀉天柱司玄和太昇真化玄

武夷貴玄司真谷容城太玉蓋華太秀法樂筭玉長耀寶

光蓋竹太上寶玄都秀樂長真石白玉闕寶圭漏句湘真

太虛疑九洞陽隱觀洞玄真太元阜幕大酉華妙酉大金

庭崇妙庭金丹霞姑麻玄都祈仙都仙青田大鶴青田大極

玄蓋目天朱湖太生山鍾良常方會常良白馬玄光源桃金

華洞光華金紫玄洞盟 皆有真仙主之七十二福

地則地肺仙源玉溜青巽崆峒郁木坑武當君山

桂源靈墟沃洲天姥岑若耶溪巫山清遠東白安



山馬嶺鷲羊洞真壇洞宮玉清壇靈源陶山爛柯

龍虎勒溪靈應白水源金精閣阜始豐逍遙東白

源鉢池論山毛公壇九華桐栢平都綠蘿章觀抱

犢大面虎溪元晨德山鷄籠玉峯

在藍田

商谷張公

洞長白中條霍山雲山四明

在梨州

緱氏館邛少室

翠微大隱白鹿天柱大若巖嶒山西白天印金城

三皇井沃壤三十六靖廬綿竹紫蓋瀘水丹陵守

玄靈淨送仙契靜凌虛鳳凰子真玄性契玄啟玄

出谷君平斗山光天眼德尋玄得一啟靈宗華朝

貢黃堂迎真招隱紫虛啟聖啟靈鳳臺東華祈仙

元陽東蒙貞陽右皆有仙真脩煉之跡按記事者可謂詳悉矣然滇詔之地碧鷄金馬蒼山洱水勝甲天下又自廣而西山皆聳秀黛碧洞多深窈宏靚寧無仙真總理蓋記者當其時中國版圖未備無所攷證耳四海之外九天之表乃能懸立五嶽群山之名耶

東方極豪林之墟名呵羅提國人壽四百歲南方盍洞陽之野其國人壽三百六十歲西方極浩素之壟其國人壽六百歲北方極朔陰之庭名旬羅之國人壽三百歲上方上清陽灰室之內其國人

高上玉皇萬聖帝真惟劫爲年直下極大風澤名  
寶真無量國人壽一千二百歲

見放  
品經

畧三卷終

疆識畧四卷

崇陽吳楚材國賢編

劉日孚應占校

郡國部

郡國 世紀云神農之王天下地東西九十萬里南北八十五萬里畫為九州得百里之國萬區周爵五等千八百國而太昊黃帝之後唐虞侯伯猶存春秋時尚數十國至戰國時裂而為七漢以後歷代地理封建沿革不同輿圖一統之盛無如我朝兩直隸十三省詳見輿地下

都邑 春秋左氏傳曰凡邑有宗廟先君之主曰都

無曰邑又釋名云都者國君所居人所都會也邑

猶俛聚會之稱也案帝王世紀曰伏羲都陳神農

亦都陳今陳州又營曲阜今兗州黃帝都涿鹿今涿州或

云有熊今鄭州少昊都窮桑在魯北顓頊都高陽今濮陽縣

帝嚳都亳一曰都高辛今偃師堯始封於唐後徙晉

陽即帝位都平陽唐今定州原府平陽今晉州舜都蒲阪

今蒲州禹本封於夏為夏伯及舜禪都平陽或在安

邑在蒲州湯都亳殷都有三亳穀熟為南亳偃師為西亳湯都即南亳也

或云西亳至仲丁遷囂或曰教倉河南河亶甲居相今彰

德祖乙居取在河東及盤庚五遷復南都亳之殷地

周文王都鄴武王都鎬周公相成王以鄴鎬偏處

西方土貢不皇乃營洛邑

今東都

成王即洛邑建明

堂朝諸侯復還鄴鎬至幽王爲犬戎所殺平王東

遷乃居洛邑及敬王時又遷成周

今洛陽

秦非子

始封於秦

今隴州

後都咸陽漢都長安東觀漢記曰

光武中興都洛陽又於南陽置南都三國時魏畧

云魏以長安譙許昌鄴洛陽為五都吳志云吳都

鄂後遷建鄴蜀志云蜀都成都晉書云晉都洛陽

至水嘉南居建康宋齊梁陳並居建康梁元帝及

後梁蕭詧又別居江陵晉亂有十六國各建都邑

隋都長安煬帝遷洛陽唐都長安宋都汴梁

今開封

元都幽燕後梁晉周都汴梁宋高宗都錢唐

宋以開封

為東京河南為西京應天為南京大名為北京

皇明太祖起鳳陽今為中都定鼎金陵曰應天

一曰留都

一曰南京有鳳臺春色龍江烟雨石城曉霧鍾阜晴雲秦淮漁唱天印樵歌鷺洲夜月崔橋夕照

成祖遷都北京曰順天曰金臺有太液晴波瓊島春

雲西山霽雪玉泉垂虹金臺夕照盧溝曉月薊門

煙樹居庸疊翠

睿宗以弘治七年受封安陸國號興正德二年八月

辛巳

世宗誕生正德十六年

登查嘉靖十八年升安陸爲承天號興都

蓋王氣攸鍾比隆豐

云 籍

城郭

鯨始築城以衛君造郭以守民見吳越春秋

黃帝築邑造五城見本紀

城盛也盛受國都也郭廓也廓落在城外也見

釋名又外城曰郭城之制方丈曰堵三堵曰雉天子千雉公侯百雉伯七十雉子男五十雉城上樓

曰麗譙下有門曰譙門望樓無覆屋曰櫓城外有池池無水曰隍城之小者曰堡或曰鄣曰壘黃帝

以兵師爲營壘見史記文王伐崇因壘而降見左傳有軍屯處曰壁深溝曰塹城下曰壕郭也言都

邑內所朝朝也又城上垣謂之睥睨言於孔中睥睨非常也亦曰睥言裨助城之高也亦曰女牆言

卑小若女子之於丈夫也棊亦女牆也亦作堦



京城 一統志注云六朝舊城近覆舟山去秦淮五里至楊吳時改築跨秦淮南北周迴二十五里洪武初益拓而東盡鍾山之麓周迴九十六里立門十三南曰正陽南之西曰通濟又西曰聚寶西南曰三山曰石城北曰太平北之西曰神策曰金川曰鍾阜東曰朝陽西曰清涼西之北曰定淮曰儀鳳後塞鍾阜儀鳳二門其外城則因山控江周迴一百八十里別爲十六門曰麒麟曰仙鶴曰姚坊曰高橋曰滄波曰雙橋曰夾岡曰上方曰鳳臺曰大馴象曰大安德曰小安德曰江東曰佛寧曰上

元曰觀音北京元志至元四年建大都城洪武初  
置北平布政司於此永樂七年爲北京十九年營  
建宮殿成乃拓其城周迴四十里立門九南曰正  
陽南之左曰崇文右曰宣武北之東曰安定西曰  
得勝東之北曰東直南曰朝陽西之北曰西直南

阜成

藩封 黃帝畫壘分州正妃二子曰元囂曰昌意列  
爲諸侯封建自此始漢高分王子弟同姓爲王者  
九國自秦罷侯爲郡秦郡四十前漢百三後漢百  
五魏六十八吳四十三蜀二十晉百五十六劉宋

二百三齊四百郡梁三百餘陳百有九後魏五百  
餘高齊百六十後周五百八隋改州爲郡百九十  
唐改郡爲州三百五十八宋稱一統路總二十有  
三然皆未有分封也今山東有 德王府與臨朐  
寧海臨清三府俱濟南 魯王府與安丘樂陵鉅  
野鄒平滋陽東甌高密新蔡陽信翼城東原東阿  
十二府俱兗州 衡王府與新樂玉田高唐齊東  
邵陵東昌武定平度寧陽昌樂漢陽商河十二府  
俱青州山西有 晉王府與寧晉義寧旌德雲丘  
寧河河東河中靖安八府俱太原又交城西河在

平陽山陰襄垣在蒲州懷仁在藿州 代王府與  
廣靈潞城進賢棗強寧津和川饒陽吉陽溧陽富  
川河內十一府俱大同又樂昌在朔州 瀋王府

與陵川清源遼山鎮康宜山宿遷吳江稷山沁水  
沁源內丘唐山安慶永年定陶十五府俱潞安慶  
成永和俱汾州隰川宣寧俱澤州陝西有 秦王

府與永壽永興隆德三府俱西安 韓王府與襄

陵樂平通渭褒城高平西德寧遠長泰永福建寧  
長州崑山長樂慶陽高淳休寧通安十七府俱平  
涼 肅王府與延安鉛山金壇會寧延長淳化六

府俱蘭州 慶王府與真寧弘農豐林壽陽延川  
五府俱寧夏河南有 周王府與永寧汝陽遂平  
封丘內鄉胙城原武鄆陵河陰潁川義陽臨汝沈  
丘上洛魯陽臨湍堵陽河清新會義寧崇善海陽  
曲江博平汾西魯山信陵郡陵萊陽東會富陽會  
稽溲江益陽春新華亭湯溪瑞金應城南陵京山  
寶坻商城柘城脩武安吉汝寧彰德順慶保寧儀  
封安昌五十二府俱開府 徽府與太和遂昌景  
寧建德陽城嘉定新昌慶雲太康陽夏德平滎陽  
懷慶咸平延津十五府俱鈞州 趙王府與臨漳

湯陰襄邑洛川南樂平鄉廣安江寧獲嘉成皋光  
山十一府俱彰德 汝府潞王府俱衛輝 鄭王  
府與廬江繁昌東垣德慶四府俱懷慶 伊府與  
萬安方城安樂三府俱河南 唐王府與承休湯  
陰鄆城衛輝新野五府俱南陽 崇王府與瑞安  
慶元二府俱汝寧江西有 樂安建安弋陽三府  
俱南昌 淮王府與高安南康上饒吉安廣信崇  
安嘉興德興順昌永豐紹興十一府俱饒州 益  
王府與金谿俱建昌湖廣有 楚王府與永安東  
安通山通城江夏武岡六府俱武昌 襄王府與

鎮寧棗陽二府俱襄陽 荆王府與都昌樊山富

順永新德安五府俱蘄州 遼王府與松滋益陽

枝江蘄水肅寧長垣沅陵光澤廣元長陽十府俱

荊州 華陽在澧州 吉王府與龍陽俱長沙

岷王府與善化建德南安南豐安昌黎山廣年長

壽漢川遂安綏寧祁陽南漳廣濟江川十五府俱

武岡州 榮王府與富城貴溪惠安永春福寧五

府俱常德 岷府與南渭俱永州四川有 蜀王

府與內江石泉汶川慶符南川五府俱成都廣西

桂林有 靖江王府而浙江福建廣東雲貴封建

不及焉

京師輿地畧古幽薊地左環滄海右擁太行北枕  
居庸南襟河濟形勝甲天下誠天府之國也遼金  
元雖嘗於此建都然皆以夷狄入中國不足當形  
勝之盛至我

成祖文皇帝乃龍潛於此及纘承大統遂建爲北京  
而遷都焉予以統萬邦而撫四夷真足以當形勢  
之勝爲萬世不拔之鴻基自唐虞三代以來都會  
之盛未有過焉者也今保瀛燕薊之墟巨浸洪  
洋所在如是萑葦蘆荻蕭然彌望抑何惑乎民貧



而賦靡給也宜設營田憲使如前代擇有心計忠實給工本募農人教土耆爲水田重事惟久任弗移如此豈惟贍民且可以限寇騎備漕梗輕南運尚亦有利矣

北直隸畿甸重地根本係焉永平逼近邊陲屢遭虜患順天役賦並繁禁廠莊田星羅碁布事務掣肘而養馬之累則諸縣同焉河間類多水患真定保定路極衝繁軍屯達塢交錯其間撫輯爲難且每秋防守三關更爲勞費順德俗淳訟簡大名廣平地僻土饒賦稅易辦長民者持廉敦儉加意

撫綏可不勞而治矣

順天 古燕山領州四縣二十三天府之國見史記  
保定 古上谷易水在東孔山在北經水領州三縣十

七

河間 古瀛海東瀕滄海西麓太行領州二縣十六  
真定 古恒山面臨滹水右抵太行領州五縣二十

七

順德 古鉅鹿項羽改襄國唐爲邢州今領縣九

廣平 隋名武安史記邯鄲漳河間一都會今領縣

九

大名 古魏郡禹貢冀兗二州之域本商舊都周封  
武庚於此唐魏博節度所治後為天雄軍今領州  
一縣九

永平 古名孤竹秦北平魏盧龍今領州一縣五  
延慶 本隆慶避

穆宗建號改延慶即古廣甯媯川地領縣一

保安州 古名武定地屬河東即虞幽州秦上谷

萬全都司 古上谷

南直隸 古金陵之地自周末時已有王氣秦始皇  
謂東南有天子氣諸葛亮謂龍蟠虎踞真帝王都

即此地也吳晉宋齊梁陳及南唐雖嘗於此建都然無功德以當之僅保一隅不能混一天下至我太祖高皇帝功德隆盛奄有四海乃定鼎於此爲京師始足以當形勢之勝永樂中於北平肇建北京正統中以北京爲京師遂以此爲南京實根本重地云

應天 楚金陵秦秣陵吳建業晉建康領縣七

中都 古塗山氏之國即大禹會萬國諸侯之所東連三吳南引荆汝外有江湖之阻內保淮淝之固山川環拱鍾靈毓秀實我

太祖高皇帝龍興之地如周之岐幽漢之豐沛也洪武三年建爲中都尋定鼎金陵乃設留守司於此誠爲

國家千萬世根本之地云

鳳陽 古濠梁地壽春淮南一都會也寰宇記州四縣

十四

廬州 古廬江金斗領州二縣五

安慶 古皖城領縣六

太平 古姑孰有天門牛渚鐵甕采石領縣三

蘇州 古姑蘇領州一縣七

寧國 即漢丹陽領縣六

池州 古池陽隋秋浦領縣六

徽州 古新安在萬山中領縣六又名新都

松江 古雲間因晉陸雲有雲間陸士龍而名領縣二衛一

常州 古延陵漢毗陵晉晉陵領縣四

鎮江 古京口領縣三

揚州 古淮海維揚漢江都廣陵領州三縣七

淮安 古淮陰山陽領州二縣九

廣德州 古桐汭領縣一

和州 晉歷陽有項羽烏江浦領含山一縣

滁州

即滁陽歐陽修醉翁豐樂亭領縣二

徐州

即彭城項羽西楚霸王漢沛郡領縣四

山東

六府十五州八十九縣古青兗二州地漢置

青州部刺史領北海濟南瑯琊東萊五郡高密膠

東淄川城陽四國又置兗州部刺史領東泰山濟

陰平原清河渤海千乘七郡東平一國後漢刺史

如故兗治昌邑青治臨淄唐置河南河北二道採

訪處置使而河南治汴河北治魏以青兗諸郡分

隸焉宋置京東東路京東西路河北東路三安撫

司並以守臣兼領元以山東直隸省部置山東東

西道宣慰司治益都又置山東東西道肅政廉訪

司治濟南

本朝置都布按三司都司初治青州後亦遷治濟南

云按山東齊魯舊城海岱與區濟兗東患在役重其民頑經於流移青萊登惠在賦項其民悍敢

於武斲濟南雖稱沃壤而武濱濶蒲一帶即右廣

斥之地一望白茅兗州水路之衝且宗藩河工

勞費不貲至於沂費郟滕則荒落甚矣東昌青州

差有可觀均非昔比登萊地本瘠商舟車不通雖

值富歲猶多逋負大率濟青依山多礦盜萊登瀕

海多鹽徒臨淄之間多奸俠單曹之境多妖民保

墜大臣實心綏輯之外又不可不銳意於防練矣

遼東 領衛二十五州二

山西 四府二十州七十九縣古冀州地漢分冀州



西境河東等郡屬司隸置并州部刺史察舉太原  
上黨雲中鴈門等郡而不常所治東漢并州治晉  
陽唐貞觀初置河東道開元中置河東採訪處置  
使治蒲州後改採訪爲觀察其治仍舊宋置河東  
路經畧安撫使以太原守臣兼領元以冀寧諸路  
直隸省部置河東山西道宣慰使司于大同置河  
東山西道肅政廉訪司于冀寧

本朝置都布按三司並治太原嘉靖中陞潞州爲潞  
安府而行都司則分治大同以控制邊境云

按山西大同府通臨虜穴最苦侵暴太原府屬如  
興嵐岢嵐保河一帶虜一大舉輒入其境繇煙窟

莽蒨條甚矣汾州宗藩不畏國法頗爲地方  
之害路澤沁遼環列太行上下谷深林密盜疇竊  
發往歲青羊山之事可爲鑒也平陽雖稱富庶其  
實止蒲絳臨汾太平稟陵曲沃翼城差有可觀地  
震之後則亦大不如昔矣是故休養內地之民使  
之裕於供邊迺一方保釐者之責否則割肉克腹  
立見其斃可嘆也已

河南 八府十一州九十七縣古豫州地漢置豫州  
刺史察舉潁川河南等郡而不常所治東漢置司  
隸校尉治洛陽而別置豫州於譙郡唐於此置河  
南道開元中置都畿河南河北三道採訪處置使  
而都畿道治東都河南道治陳留河北道治漢郡  
宋都於汴置京東東西二路安撫使以開封河南

守臣兼領元於此置河南江北等處行中書省河南江北道肅政廉訪司

本朝置都布按三司並治于開封云

按河南爲諸夏中區向稱樂土

近以宗室日蕃黃河歲徙祿糧工役勞費不貲民始不堪命矣開封河南懷慶衛輝彰德五郡衝繁雖同彰德間于趙魏軍民雜處章制尤甚歸德地聯數省統轄非一宿姦大猾時發首難之端衛陽疲敝且多曠盜殷富則汝蔡爲優勁強則河洛爲最是政藩祿軍需均當規莫第恐皮盡而毛無所附方未可憂云

陝西 八府二十一州九十三縣古雍州地漢都於

此置司隸校尉領三輔置涼州都刺史察舉隴西北地等郡而秦帝時治東漢司隸如故涼州治隴

唐貞觀中置關內道開元中置京畿等西道採訪處置使而京畿道治京城關內道以京官領隴西道治西平山南平道治漢中後改採訪爲觀察其治仍舊宋初置陝西路後置永興郡延環慶秦鳳涇原熙河六路經畧安撫司並以守臣兼領又置提點刑獄司治鳳翔元置陝西等處行中書省于西安置陝西漢中道肅政廉訪司于甘州

本朝置三司並治西安而行都司則分治甘肅云

按陝西內綜八郡外控三邊吏茲土者牧且兼帥焉責誠艱矣西鳳漢中稍稱饒度百需給仰供應頗難延慶平涼臨鞏逼近邊陲虜一入無論贖產鋒鏑死傷之患獨先嘗焉三邊視諸郡尤衝而勢

不相貫故其肅星懸於河外寧夏株保於橫城榆  
林一望虜幕千里餽糧獨其人輕生敢戰相持無  
恐頻年更番入衛耗已半矣墮城殞將蓋有由然  
又其甚者固原爲開府調度之中重兵屯戍自創  
殘之後選募尚不滿千五市以未騫巨愈益難測  
若虜襲舊直驅踐沂隴薄涇邠窺三輔特再晝夜  
力耳鳳沔之墟風多回種而無良亡命者又多逃  
匿其中饑歲乘間鼓煽而起腹心之患其將大乎

四川 八府四軍民府二十州一百七縣古梁州地

漢置益州部刺史察舉蜀巴廣漢犍爲犍牂越雋  
等郡而不常所治東漢益州刺史治雅唐貞觀中  
於此置劍南道開元中置劍南并山南東西道採  
訪處置使而劍道治蜀宋爲四川路後分爲東西  
兩路又分益慶利夔四路安撫司俱以守臣兼領

又置提點刑獄司於嘉定重慶潼川三府元置四川等處行中書省又置西蜀四川道廉訪司俱治成都

本朝置三司並治於成都則行都司分治建昌以控

制邊境云

嘉靖

中改龍州宣撫司為龍安府設流

蕃夷時肆

官

按四川西南與區上則松茂建昌

制消彌非一朝

可圖

者也成都素稱沃野賦重役

繁供億稱訕叙

州地

饒而高珙諸夷兵費不貲且

大木多產其境

採辦

之擾商民殘疲重慶土寇連

結施州諸夷

劉未已

而妖人內訌受患尤烈保

順衛疲民

務簡

馬湖僻小民夷相安龍安新造

全在經始

大抵

蜀地夷漢雜處氣息靡淳地理遼

退巡歷難

遍加

以大木之困大兵之殘民貧多盜

勢使然也

是在

撫按廣于咨詢司道勤于窮歷督

率有司持廉

省費

愛養撫綏數年之後或者蜀其

有瘳乎

湖廣 十五府十六州一百七縣古荊州地漢置荊  
州部刺史領南郡江夏長沙武陵桂陽零陵等郡  
國而不常所治東漢荊州初治漢壽後治江陵唐  
貞觀中領以江南道採訪處置使而山南東道治  
襄陽以諸郡隸之兼分入黔中淮南及江南西道  
後改採訪爲觀察其治仍舊永泰間始置鄂岳觀  
察使于鄂州宋置荆湖南北二路及京西南路安  
撫司以潭州江陵襄陽守臣兼領又於襄陽衡州  
澧州各置提點刑獄司元置湖廣等處行中書省

及江南北道肅政廉訪司于武昌又置荆湖北道宣慰司及山南江北道肅政廉訪司于江陵置湖南道宣慰司及嶺北湖南道肅政廉訪司于潭州

本朝置布政司而安陸州爲

睿宗獻皇帝藩封於此我

世宗肅皇帝入繼大統遂陞爲承天府建興都焉及

置都指揮使司行都指揮使司按察司而並治於

武昌則行都司分治于鄖陽云

按湖廣襟帶江湖澤多田少民俗慆

輕鮮思積聚且道通九省冠蓋輻輳郵驛苦之即

今宗室日繁

繇賦日重

採辦之後

財力愈難

收



其民率器竊而難治此其大較也武漢德安民貧  
地瘠承天陵寢所在費冗事繁荆岳替沔之間  
頻遭水患盜且乘之近口鄖襄大水盡損田廬則  
又向來未有之變長沙地雖稍沃稅糧甲於他府  
黃州澆頑常德困憊辰沅半為賊穴麻陽溪洞諸  
蠻連結永保每肆劫爭去歲支羅之害實緣於此  
衡永僻饒寶慶簡靜庶幾可為然已非復曩  
時比矣加志窮民者其尚思援拯之策乎

浙江 十一府一州七十五縣古揚州地漢會稽郡

兼統二浙隸揚州部刺史唐貞觀中隸江南道開  
元中增置江東道採訪處置使而兩浙諸州並隸  
焉宋初以兩浙為一路後分浙東西為兩路而浙  
西安撫使治臨安浙東安撫使治紹興並以守臣  
兼領元置江浙等處行中書省及江南浙西道肅

政廉訪司于杭州又置浙東海右道肅政廉訪司于婺州又置東道宣慰司于慶元

本朝置都布按三司皆治于杭州府云

按兩浙當天

頃歲倭夷陸梁東則寧紹台溫西則杭嘉湖諸郡橫被蹂躪以故增兵置帥加賦給餉視昔數倍近方稍寧議者即欲罷兵撤餉海上卒然有警不知何以應之况定海係倭夷入貢之道尤為兩浙門戶懷安壤之速圖者奚容以一日忘備哉至於杭嘉湖地饒多利俗尚紛華賦役不均逋負日多救弊補偏誠為急務處州依山盜曠黨與本衆且與衢嚴徽州之致黥踪肅聚時肆剽掠義烏民俗獷悍竄名兵籍散無所歸恐生他釁先事預籌尤不可不加之意也

江西 十三府一州七十四縣古揚州地漢領以揚

州部刺史唐隸江南道開元中分為江南西道置

採訪處置使治洪州後改採訪爲觀察治仍舊宋  
置江南西路安撫使以隆興守臣兼領又置江西  
提點刑獄司治贛州元於隆興路置江西等處行  
中書省及江西湖東道肅政廉訪司

本朝置都布按三司並治于南昌云

按江西界吳楚閩廣之間土薄

民勤俗尚儉嗇頗稱安樂南昌省會衝繁吉安健  
訟奸狡至於豪右掣肘田糧逋負則二郡同也南  
贛密迹閩廣巢寇時發而贛當其衝故軍門兵備  
叅將在焉饒州南枕彭蠡九江東據上流江湖水  
寇四出爲患而饒郡內有藩封邑多頑梗瑞州  
地狹民頑撫州訟繁多盜袁州臨江建昌廣信頗  
稱饒富第袁州界湖土民時有爭奪處置爲難故  
江湖水寇當責撫臣南贛山寇當責督臣有司又  
能輕徭薄賦養而教之瘠土  
勞瘁之民庶幾其有瘳乎

福建 八府一州五十八縣古閩越地漢以揚州部  
刺史領之東漢於此置會稽南部都尉唐初隸江  
南道採訪處置使大曆中始置福建觀察使治福  
州宋置福建路安撫使以福州守臣兼領元置福  
建等處行中書省于泉州尋徙福州置福建道宣  
慰使司都元帥府及福建閩海道肅政廉訪司于  
福州

本朝置都布按三司並治于福州則行都司分治于

建寧云

按福建解在南服昔稱沃壤頃緣島夷入

漳以海為襟民習犢悍而月港海澄詔安漳浦同  
安福清等縣則為溟渤要害延建邵汀以山為枕

民多負固而上抗永定大田永安松溪光澤等縣  
則為逋逃淵藪福寧居通省上游八閩喉舌南粵  
係廣閩交界倭寇巢窟地勢民情尤難控制且閩  
中地狹人貧殘傷之餘錢糧無措窺伺者未已兵  
食之計不可緩也反側者未安緩靖之方不可後  
也端本澄源補偏救弊全賴有司而風厲激勸則  
又繫乎撫鎮諸大吏焉

廣東 十府七州七十四縣古百越地漢置交州部

刺史察舉南海等郡而不常所治東漢末交州遷

治番禺唐貞觀中置嶺南道開元中置嶺南道採

訪處置使治南海後分為嶺南東道仍舊治宋置

廣南東路經畧安撫司以廣州守臣兼領又置提

點刑獄司治韶州元置廣東道宣慰司及肅政廉

訪司於廣州又置海北海南道宣慰司及肅政廉訪司於雷州隸江西行中書省

本朝改置三司竝治於廣州云

按廣東介嶺海間昔稱饒富然地遠法疎

官多黷貨以致山海諸寇懸肱肅聚師旅繁興民之殘疲既甚而廣西兵餉又全仰給近增巡撫雖稱得策方在經始故廣潮惠肇南韶諸郡盜熾事繁選用守令爲急雷廉高瓊諸郡民浮務簡稍爲次之至於擇海道副使以備諸夷擇嶺南兵備以防山寇擇屯鹽僉事脩舉屯政講益法庶幾南粵有息肩之乎

廣西 十府一軍民府十四州五十縣古百粵地漢

領於荆交二州刺史唐以其地隸嶺南道後分爲嶺南西道廣德初置柱管都防禦觀察等使宋屬

廣南西路置經畧安撫司以靖江守臣兼領又置  
提點刑獄司治象州元置廣西兩江道宣慰司及  
嶺南廣西道肅政廉訪司于靖江俱隸湖廣行省  
至正末治于靜江置廣西等處行中書省

本朝置都布按三司竝治于桂林云

按廣西當嶺南右偏幅員甚廣

國初以桂林爲省會肇建

靖藩于時編氓稀少

招人日繁荒歲久蔓延田土半爲侵占糧額日減

宗人日繁祿糧軍餉支給不敷昔惟府江五百餘里夷獠阻灘爲患潯州大藤等峽諸蠻巢穴其間

與安西延六峒與武岡接壤爲獍盤據又柳慶以西入寨者稱盜數耳今則株連絕貫在在有之如

古用洛容荔浦思恩懷遠等縣爲其蚕食符無氏矣寔以官多降調惟事誅求以致工官驕橫民散

搖盛越城劫庫戕害方而豈一朝一夕之故哉故

邊方之官非才不足以戢亂非守不足以泝人非

又任不足以諳土俗而識物情斯乃謀國者任人之責也

雲南 十三府七軍民府三十一州三十三縣古梁州之南境爲徼外夷地漢置益州郡領於益州部刺史自唐至宋爲蒙氏段氏所據元置雲南諸路行中書省及肅政廉訪司于中慶又置曲靖等路宣慰司于曲靖臨安等宣慰司于臨安大理金齒等處宣慰司都元帥府于金齒

本朝置都布按三司竝治于雲南府云

按雲南遠在西南漢夷雜

沓無事則但于偏安有事則互爲桀鷲積弊然也府屬如雲南臨安大理永昌鶴慶楚雅足稱沃壤曲靖爲入滇之路供億惟艱武定當新造之區安輯爲要元江景東巖江姚安北勝鄧川霑益諸夷



其情巨測鎮巡同心恩威兼濟方可稱治至於旋  
別庶官責在監司撫字百姓責在守令惟求得人  
已而

貴州 八府六州七縣本西南夷羅施鬼國地元於

此置八番順元等處軍民宣慰使司都元帥府

本朝洪武初以其地分隸湖廣四川雲南三布政司

永樂十一年始置貴州等處布政使司都指揮使

司提刑按察司並治于貴州宣慰司云按貴州初屬四川行

都司永樂間始置省治官則流土相參民則漢夷  
錯處不當中土一大縣一線之路外通滇南官軍

月糧仰給川湖黎平寄治湖廣五開衛銅仁僻處  
萬山近苗穴都勻程番與廣西接壤土酋讐殺素

稱難治鎮遠當湖廣之衝面水背山漁頗足恃思  
州石阡孤懸一隅勢可隱憂南城下有江通舟楫

商賈行旅地甚蕭條大抵貴州開省原為雲南無  
貴州是無雲南也內安外攘其撫鎮大臣之責哉  
鳳陽國初欲都之不就今為中都留守司周三  
十里城門九正南曰洪武南之左曰南左甲第右  
曰前右甲第北之東曰北左甲第西曰後右甲第  
正東曰獨山東之左曰長春右曰朝陽正西曰塗  
山南京城周四十六里門有三北京城周四十  
里凡九門嘉靖間以庚戌虜患築南關廟外城東  
西十三里南北五里凡六門按鳳陽地平坦多風  
沙易水易旱蒿萊不剪此固非帝王都也

疆識畧四卷終